

小

學

駢

支

序

明朱鬱儀撰駢雅七卷吾師龍巖魏笛生先生條疏而字釋成訓纂一十六卷入山搜材書無遺義非破萬卷不能也書成不以實臣家為誦陋召使參校敬謹受讀逾六年而畢實臣家無藏書實證者不越經史參以小學數種日播閱之有疑於心輒沈思其義弄臧篋間有呈請先生復加訓誨錄刊補遺卷中餘稿多未覆審以於訓

纂不涉遂亦度闕去年寄跡西村人事頗寡因
更檢尋釐成八卷意以說文為主爾雅方言毛氏鄭
氏為根柢而波瀾於孔賈郭陸荀及莊子荀子淮
南子素問大戴記史記三家注班書顏注范書李
注廣雅釋名水經注顏氏家訓文選玉篇眾經音義
下逮二徐廣韻集韻類篇以及近世名家欲溯其源
始故討論之畧多欲暢其支流故參互之說盡初
寓一本意尚未已欲取呂氏春秋高注管子房注

公羊何注太元范注列子張殷兩家注楚書王注洪
注研求而更訂之而烽燧日急省垣已陷郡城不守
亂離劫奪之事日接於目又安能卒業於書牘之
間於走渴車比而先生爲老慘阻之際復承垂
詢此事又安能從容進質如昔日燈火之情式家
囊勢不辨保或此忡本幸不罹焚鴻碩君子爲我
存焉云駢枝事繫於駢雅冠以小學者

欽定四庫全書以駢雅隸小學類也凡一百六十四條

增按五十九條畝書三繪圖十有一都

泰州田寶臣

小學駢支卷一錄目

靖嶺

鼉律

稽徇稽篆

霄霏

儵儵

奇衷

軫戾

葩荔

覲鬣

補爽補參

叱叱瑣瑣

須捷挾斯

扶疏孫恤切音

輪樞

剽姚

獫狁

說文田獵也

輕詔

小學駢支卷一

秦州 田寶臣 少泉

一之三巍峲嵒嵒嵒嵒高也 方言六巍峲嵒嵒嵒高也說
文解字第九嵒嵒嵒嵒也方言六注嵒嵒嵒嵒嵒嵒皆高峻
之貌也

按方言注各本皆作嵒嵒作嵒是戴疏所訂疑本說文而許
不言高也其寔西都賦金石嵒嵒善引郭璞方言此
注云嵒嵒高峻也則唐時郭注作嵒戴特未著其

本耳然此二字廣雅屢見釋詁作峭嵒深也釋訓作崢
嵒深冥也皆不作高峻解楚辭遠游下崢嶸而無地
兮王逸註淪幽虛也文選高唐賦俯視峭嶸善引廣
雅謠冥作直云深直貌王文考魯靈光殿賦雲寥窳
以崢嶸善注幽深之貌司馬相如上林賦刻削崢嶸善引
司馬彪曰深貌也左太冲蜀都賦經三峽之崢嶸善引楚
辭則遠游是幽虛義吳都賦南北崢嶸善云深窅貌他
若阮籍元父賦元當作元見漢志此賦當是之東平時作深溪崢嶸庾信廣饒公鄭

常碑漢澗崢嶸楊街之洛陽伽藍記若言川澗伊洛崢
嶸言溪澗則亦是深此皆如廣雅之訓唯班固西都賦
注引郭義孫興公游天台山賦陟峭崿之崢嶸注引字林
曰崢嶸崢貌是皆如方言注訓魏都賦三臺列峙以崢
嶸善引甘泉似紫宮之崢嶸賦言臺峙則亦言高紫宮句
善不著解然文承閣高則亦言峻是太冲三都蜀吳用
深義魏用高義也又文選舞鶴賦崢嶸而欲暮善引
廣雅崢嶸高貌今高也無此二文要是唐本有之則廣

雅原具高深兩義夫一字而異訓相違兼義而諸家並用
稽之於古既高少而深多覽之今編復深微而高顯取其
根抵許氏為宗說文靖下云嶸也嶸下云靖嶸也初無餘
字蓋靖嶸本是目極無涯意中營度之畧而以注義著
解者特隨境以著文寔無關於獨照惟許則深達神指
只著一也字而凡涉此文者一為證明皆是無際之境故既
不言高又不言深而直曰靖嶸此其究萬原而知化窮冥
之一矣廣雅曾無境地乃云深之高而遂無能出此二

義者蓋平視亦可言深鮑明遠蕪城賦云崢嶸古墟必先言伏

彪藏虎則是深義而意視則恒是高瞻而遠矚耳

義本義是

意計而視杜子美羌村詩云崢嶸赤雲西此崢嶸字亦不謂雲是

是高瞻舉此相明則其書亦囊括諸家而不得與許竝者

樹義之不齊言詮之易滯也而近刻說文又謂各本不備遽

於崢嶸下增山貌二字抑未思與字从山者古人制字遂取諸物

至高者天天不可俯而深至深者淵淵不可仰而高也唯山則下仰

而高上俯而深故一取諸山不言山者青亦精

許以精為目睛字

省榮

與縈通義本心目故嵯峨岑峯義在於山則言山嵯峨義不
在山則不言山也

一之八鼃律始也 方言主鼃律始也疏證律亦作華廣雅
鼃華始也義本此曹憲音釋華音律 鼃音蛙

按鼃即主字子雲多奇字加鼃古主鼃同音不作今蛙佳
麻讀也主律者漢書志云量多少者不失主攝應劭注主
者自然之形陰陽之始也又云五聲之本生於黃鐘之律太
元經元鑒云六始為律此主律之所以為始也白虎通五行云

律之為率所以率氣令生也顏之推書證云率字自有律音此律之所以為華也華即率字

一之八稜不伸舒也

說文解字第六稜也繫傳通

釋弟子稜不伸舒曲不伸之意也稜之果其狀屈亦取此為名稜亦作稜枳枸二音

按說文禾部禾木之曲頭止不能上也堅兮切又稜多小意而止也从禾只支聲之已切又稜稜也从未又句聲又者从丑省一曰木名俱呂切稜以支只為聲則支肢只照只亦

已。𠂔。𠂔以又句為聲。又。从丑省。則句曲。又丑丑紐象手。丑亦舉手時也。禾則紐不能舉。故云多小意而止。以許書證是本言人之𠂔體。而取象於木之曲頭。積𠂔之果。又其引申之義。故云一曰木名。楚金但言𠂔曲。猶為未答。蓋木果之義行。而𠂔體之義遂隱。徐亦不復以聲義求之也。又稽部稽留止也。稽則以木言。然字从尤。尤在乙部。乙又聲。乙象冤曲。又亦象手為丑之省。旨則指省。則稽之留止。亦以𠂔言。故手部失縱也。从手乙聲。蓋手既曲乙。則不能掄而縱。佚稽之从尤。

失之从乙是一理也

九荒二篆意皆分明

而楚金以九異稽考著解乙部

九異也許以乙為春艸木冤曲而出異部異字許訓分也从

𠂔从昇蓋艸木之未出則鬱屈象乙將出則拳攣象𠂔

疎手之形九之从𠂔象一拳先舒

作𠂔不作𠂔者手以舒為主先舒者𠂔也舒則出

出則甲拆而分分則名異故九為乙部之說訖竟此猶乙部

了史書之難也象氣之出難而終之以气行貌之適象亦盡

其義而次之初無稽考義也稽之所以从九者謂一拳伸而拳

未伸是留止之義也許以未為木之曲頭止不能上積極多小

意而止者。凡艸木盛則求。然求从此云小意亦从八句八區別也。
多小意者。謂上生欲別出之枝而止。則本枝不復更長。故見為末也。人
之手指伸者也。初生則拳。則必伸。唯積柳則欲伸而不能。是亦小
意而止也。手部手拳也許是以初生立義。手之末指名小指。兒拳
初伸必先此指。是亦小為別之義也。故名曰小。是小意之指也。大氏積
柳在枝梢之上。字从只。句。句是止之聲。稽之留止在根莖之下。是暫留
而不止之聲。故字从乙。句。乙其出軋也。非不出之聲也。乙部分語所是禾
稽分部之義也。積柳近段氏注云。或作枳柳。或作枳枸。或作枳句。或作枝

拘皆詘不得伸之義明堂位俎殷以楨注楨之言枳楨也謂曲橈
之也莊子山木篇騰猿得柘棘枳枸之間處勢不便未足以
逞其能宋玉風賦枳白來巢空穴來風枳白空穴皆連縣字
枳白來巢陸璣詩疏作句曲來巢謂樹枝屈曲之處鳥用為
巢淮南書龍天矯燕枝拘亦屈曲盤旋之意其入聲則為
迟曲稭與枳枝迟枳與棋句拘拘曲皆疊韻也稭枳與迟曲
皆雙聲也急就篇沽酒釀醪稽極程王伯厚云稽極當作
稭枳盖曲為酒經程寓止酒之義其說愈博是以雙

聲求之而聲中之義益又無關然莊宗淮南皆在許前則
音義同而字形各異秦漢之間要是兼行揆之篆文雖為
異體以之推廣足暢其流茲且因其意旨復為申言迢
曲見說文乚部迢曲隱蔽及史記司馬相如傳索隱單
行本注迢曲段言入聲則為迢曲迢在孫恂綺較切服虔
則音企企廣韻入四旨曲用史記曹相國世家索隱邱禹
反則音矩皆可上聲讀也又說文木部楊斫也齊謂之茲箕
一曰斤柄性自曲者茲箕亦稊枳之轉走部越超行不進

也易曰其行次且釋文亦作趑趄王肅云行止之礙也蓋亦雙
聲之轉而平云曲云山皆與禾部之字義相關也然說許書
要必以臆體為義始得其真寔亦無煩博引耳

一之十霄霏高峻也淮南子原道訓上游於霄霏之野注霄
霏高峻貌也

按淮南子原道訓上游於霄霏之野注霄讀紺綃霏讀翟
氏之翟又倣真訓蕭條霄霏注霄讀紺綃之綃霏翟
氏之翟也原道訓霄霏句上文來雲凌霄注云霄讀消息之

消則作霄窕者不得讀為消音今韻書消霄綃皆作相
邀切據檀弓綃幕魯也注綃讀如綃釋文綃音消
又音蕭綃音消徐本又作綃桑堯反高誘涿郡人宜讀
桑堯反蓋北音也

一之士儵倏疾速也廣雅釋詁徇儵趨賴儵倏眇疾也
疏證儵各本訛作儵按倏音叔說文倏疾也義與廣雅同此从
儵尚不誤

二之二十倏忽疾也文選東都賦指顧倏忽注倏疾也

按一切經音義儵歸下云又作倏倏之形同書育反儵忽急疾貌也莊斂曰說文儵青黑繒發白色也倏集韻光動貌倏說文疾也三字皆以音近相通然則以倏為倏自唐已然倏自在犬部當作倏也。

一之十五奇哀非常也 周禮天官宮正去其淫怠與其奇哀之民注奇哀譎觚非常奇音羈去宜反哀似嗟反

按賈疏兵書有譎觚之人謂譎詐桀出觚角非常也作觚角解史記梁孝王世家索隱引周禮鄭注作譎怪非常

蓋怪觚雙聲之轉小司馬則以觚為怪也索隱奇音紀宜
反哀音斜

一之十六軫庚違忤也 方言三軫庚也注相乖庚也疏證據
王融永明九年策秀才文善注訂云方言各本乖訛作了今
訂正又荀子脩身篇擊庚注猶了庚也按此則方言作了庚
非訛竝存備考

按訓蠶引荀子注證了庚非論此自疏方言者千慮之一失
盧抱經學士已知其誤謂軫與軫紛竝同了有樛曲之

義引西陽雜俎導引經證了庚之非譌然不若段氏得了字
真義說文了部了尢也从子無臂象形盧烏切段云尢行
脛相處也牛行腳相處為尢凡物二股或一股結糾軫縛
不直伸者曰了庚方言軫庚也郭注相了庚也淮南原道
訓注楊倞荀卿注王弼素問注段成式西陽雜俎及諸
書皆有了庚字而或妄改之又尢下段注云行而脛相處則
行不便利集韻五爻曰尢牛行足外出是其意也今俗語
有此力吊切今按方言但云軫庚也淮南子原道訓扶搖

扞抱羊角而上注扶攀也搖動也扞引戾也扞讀憾而能扞
者同也抱讀克岐克疑之疑也又本經訓菱杼紵抱注
菱菱紵戾也抱轉也皆壯采相銜持貌也杼讀楚言杼
紵讀紵結之紵抱讀岐疑之疑从原道言風本經言宮
室木巧之飾字作扞紵是盧說有徵淮南兩抱字高誘皆
以岐疑注音則扞抱即軫戾疑戾一聲之轉耳詩釋文疑魚
極反說文作
疑去小兒有知朱翻作
魚力反宜得轉近戾音本經訓紵抱字段於口部疑下引作軫軫
是廣雅字轉戾也義寔相通而竟改淮南字則又失之高

注亦無軫輅之輅四字

一之十七范蒨隱蔽也 范蒨未詳章氏簡曰范蒨當是

蒨范之譌三國志魏書裴潛傳注引魏略曰潛之官不
將妻子妻子貧乏織藜范以自供集韻平聲二黎或作蒨
蒨范即藜范也

按章說是唯馮氏毛氏兩刻三國志皆从木作藜與廣韻
六脂作藜范合蒨范又作范離字倒轉从竹晉傳咸刻
事云令史張濟行城東有新立屋范離障二十丈又北

史亦以范離為戰格。於女牆跳出安之以遮矢石。此皆
與廣韻荆蕃義合。范初鬱儀與上下各駢字總作隱
蔽訓是隱括之義。然有所隱蔽者皆與此二字相
副。雙疊轉變數之不窮。故煙霧則為配音離。
披離甘泉賦。樵蒸焜上配離。四施張晏曰。配離披離
也。師古謂以樵及蒸燎火炎於上天。又披離四出。此即東京
賦所謂颺飄燎之炎煬。致高煙於太乙也。在草則為芾
離。彌離羅罽。歷釋詁。覲蒙芾離也。注謂草木叢茸。

醫蒼菲離即彌離吳都賦罽罽歷江海之流注分布覆被
貌亦言草又薜荔離騷注香草緣木生湘夫人兩薜
荔兮為惟山鬼被薜荔兮帶女蘿則亦以隱蔽受斯名矣
在綵帛則為歷辟釋名今辟經線貫紆中間竝一間疏
疏者苓苓然竝者歷辟而密也密則隱蔽在服飾則為
罽罽離中華古今注宮人騎馬多著罽罽離而金身障
蔽在車則為輶輶亦見書急就有辟倪謂車蓋杠
蓋則隱蔽在城垣則為辟倪此二字形各為異而義皆同
廣雅疏證言之甚晰左傳

宣公十二年孔疏城上小牆俾倪者看視之名引襄公二十
五年傳吳子門於巢巢中臣隱於短垣以射之釋名
於其孔中俾倪非常在山則為崦嵫七命云金岸崦嵫呂
注險高貌蓋岸高則兼含蔽義在鳥則為悞歷射雉
賦闕問蠲葉悞歷乍見又為解鰲方言野鬼其小而
好沒水者南楚外謂之鵩鵩此二字形亦各異則亦以隱沒受斯名
矣在獸則為迷離古木蘭辭雌兔眼迷離云迷離則羞
不欲則是亦隱蔽義矣在鬼物則為悞僻王延壽夢

賦相隨佞倚而歷辟章樵注歷辟猶辟易蓋游光辟易則驚走藏矣在人則為辟倪史記魏其武安侯列傳辟倪兩宮間索隱引埤倉謂邪視也蓋陰伺唯雷名霹靂樂名箏篥不副隱蔽義然霹靂恐即辟易莫疾乎雷人不及避故急許之曰霹靂箏篥據通考胡人吹之以驚中國馬則亦辟易走藏義或吹者隱處亭障間也詩中谷有雉一化離毛傳化別也孔疏云化與離共文故知當為別義是亦無所據依若以音求恐亦从谷生義

是隱閣自傷之意。又引伸而為披離。則流離四散。乃毛傳化別之旨也。

一云。覲鬃比覆也。爾雅釋詁。覲鬃。第離也。注謂草木之叢茸翳奮也。第離。即彌離。猶蒙龍耳。孫叔然字別為義失矣。○覲音陌。鬃音蒙。

按郭注是。蓋雙疊駢連古之聲韻字也。邵氏正義云。彌離。又轉作化離。王風中谷有蓷。云有女化離。蒙龍。又轉作危茸。左氏僖五年傳云。狐裘危茸。後世彌離轉作迷。

離又轉作靡麗蒙龍轉作蒙一戎又轉作蔥龍皆語
之遞轉郭氏舉類以曉人也今按郭注特舉類謂此義
猶彼義不云音轉如以轉言則彌蒙離龍雙聲得轉
若正義所舉則蒹彌不轉彌化蒙蔥戎龍皆疊韻
而不雙聲亦是方紐變讀大氏音之為轉多在雙聲
變反讀相沿恒闕疊韻變亦為轉與遞轉又自不同遞轉
以雙聲轉之再轉變轉只用疊韻換過一音耳如釋宮
不律謂之筆郭云蜀人呼不律為筆也語之變轉

蓋不筆雙聲為轉律筆疊韻必換一音斯之謂變
筆又不得為不律之合聲者蓋合聲亦雙聲之合
不律則又非雙聲故只云音之變轉而不云合也通計
郭注言變轉者僅此一條而言轉者爾雅凡四方言凡十
有五而山海穆傳不與焉釋詁印吾注印猶缺也語之轉
身印反五卽五剛缺反烏黨烏浪五卽烏卽五剛烏
黨雙聲得轉釋烏鵲注鵲猶鵲語聲轉耳
鵲鵲彼及皮及二反鵲鵲則上音皮逼反下音逼是鵲鵲

鴿鷗雙聲得轉釋親兄公注今俗呼兄鍾語之轉耳
公鍾疊韻據釋文公本作公切職茸則職茸職容
雙聲得轉釋草紅龍古注俗評紅草為龍古語轉
耳紅龍疊韻據漢書食貨志紅有工音則古紅力鍾亦
雙聲得轉也方言一秦夏之間凡人之大謂之樊或謂之壯燕
之北鄙或曰京或曰將郭注語聲轉耳此樊壯京將皆
雙聲得轉方言二剝獐狡也或曰蹶楚辭曰為郭注音指
搗之搗亦獐用疏聲之轉也搗獐雙聲得轉方言三

為郭注音花譌音訛譌化也郭注音五瓜反皆化聲之轉也

為譌譌皆雙聲得轉又蘇芥草也郭注蘇猶蘆語

轉也此疊韻方言五亩謂之廩郭注湯料反此亦聲聲

轉也此疊韻杷謂之渠擘或謂之集疏郭注語轉也此疊

韻薄謂之苗或謂之趙郭注此直語楚聲轉耳此苗趙

雙聲得轉杷謂之趙郭注趙當作桃聲之轉也此杷桃

遞轉乃得雙聲之轉方言七均貌治也均或謂巧郭注

均恪垢反楚聲轉耳巧在說文下巧即巧苦浩切則

鉤巧雙聲得轉。方言八戴雋。東齊謂之戴。南南猶雋也。郭注此亦語楚聲轉也。鶯南雙聲得轉。方言十。鶯于也。郭注。鶯音臬。聲之轉也。此疊韻。誅不知也。郭注江東曰咨。此亦知聲之轉也。此條疏證言之最詳。謂咨與知乃聲之變轉。今按咨字。郭於戚咨下音莊。伊反。則咨知亦雙聲得轉。泚或也。沅澧之間。凡言或如此者。曰泚如。是郭注此亦愁聲之轉耳。此泚或雙聲得轉。方言十一。蠅東齊謂之羊。郭注此言語轉耳。此蠅羊雙聲得轉。

方言三。瘡極也。郭注。巨畏反。江東呼極瘡。倦聲之轉也。
巨畏渠眷亦雙聲。得轉。又方言。本書言轉者。凡四卷。三云。
庸謂之𦵏。轉語也。卷十云。燂火也。楚轉語也。又𦵏末紀緒也。
南楚皆曰𦵏。或曰端。或曰紀。或曰末。皆楚轉語也。卷十一云。𦵏。
𦵏或謂之蠓。𦵏。侏儒語之轉也。此四條雙聲。唯𦵏末條。
不得其聲。讀之云何。以上通計二十四條。唯蘇蘆麻荃。
𦵏。疏。𦵏。子是疊韻。餘二十條皆雙聲。得轉。蓋雙聲。
之轉。是正紐。正紐。天籟也。疊韻變轉。是旁紐。旁紐。人籟也。

人籟與天籟不同以東冬言之濃綠與零露轉與龍落
轉與女奴醺醪伶俐林慮輾輾淋漓皆轉與盞曲則上
紐轉與東魯則下紐轉與拈弄則倒紐轉此皆正紐是天
然之聲也以濃綠與紅燭則有紐不轉紅燭與匆促亦有
紐不轉不轉則窮窮則變變則通故匆促與充足又轉與
族眾又轉轉不窮必由變而之轉也僊使與籠東轉與弄
棟轉與隆冬理董駕鈍歷賄留都李洞皆轉與龍鍾
則上紐轉與鴻網則下紐轉與獨漉則倒紐轉此亦正

紐是天然之聲也。以儻、倅與保、休則有紐不轉。保、休與倅、
儻亦无紐不轉。不轉則窮。窮則變。變則通。故倅、儻與倅、
縱又轉。與角逐又轉。轉轉不窮。必由變而之轉也。郭注如
蘇、蘆一條。蘇與莎與菅是雙聲。正轉。蘆與路與綵是
雙聲。正轉。以蘇與蘆則是疊韻。變轉也。如倅、疏一條。
倅與蘆與慮是雙聲。正轉。疏與瑣與胥是雙聲。
正轉。以倅與疏則是疊韻。變轉也。郭於此四條不析言
者。言略。亦以爾雅不律條已發其端耳。此其故則深可

思也。

一之二十四紛溶蒨蓼楠夾楠蠹楠枅子蜺崙国竦特
也 文選上林賦紛溶蒨蓼郭璞注紛溶蒨蓼支竦
擢也溶音容蒨音蕭蓼音森又西京賦楠夾楠枅薛
綜注皆草木盛貌楠音肅楠舊鈔本作楠枅舊鈔
本作枅此从張刻本蕭森二音又吳都賦楠蠹木林華注
楠蠹長直貌所六丑六二切

按此駢連皆雙疊字楠舊鈔作楠楠是說文字木部楠

文

長木貌。从木，肅聲。孫愐音山巧切。作櫛者，是楚辭字。九
辨，削櫛，慘之可哀。王逸注：莖獨立也。說文：肅，聲字，多作
肅。水部：肅，湘字，作肅。水清深也。虫部：蟪，蛸字，作蟪。蛸
長股者，皆其例也。蓋肅、肅同義，故論語：肅牆，何晏注
云：肅之為肅也。字又雙聲得轉，故肅在說文音蘇涓切。
玉篇則息六切。周禮：先鄭則讀菑所六切。文選：上林賦
：櫛，直森萃，善注亦以櫛音所六切。孫愐音山巧切，則全
聲讀亦音轉也。櫛，櫛形，異字同，故舊鈔作櫛。唯西京

賦櫛夾櫛櫛四字並舉理宜各異故張刻訂作从艸之
櫛則讀蘇凋與上櫛字異讀此甚精也櫛字舊鈔作从
手之櫛則是訛字櫛在木部木長貌从木參聲詩曰櫛
差荇菜是許書之櫛即關雎之參孔疏以不齊言則
亦木長之義比類而引伸之也櫛字今本手部無篆唯
遵大路詩疏引說文此音反訓為斂也非此櫛櫛之義
是亦以張刻為審

一之二十六此此瑣瑣細碎也詩正月此此彼有屋傳此此

小也釋文他音此說文作伯音從又節南山瑣瑣姻亞傳
瑣瑣小貌釋文瑣素火反爾雅釋訓他他瑣瑣小也疏皆
才器細陋也

按說文人部他作伯小貌从人白聲詩曰伯伯彼有威斯氏
切白部白頭會端蓋也象形內則疏由其字象小兒腦不
合也恩倖之家有以緹緹而膺侯封者正月之詩殆謂是與
玉部瑣玉聲也从玉賁聲貝部賁貝聲也从小貝聲段謂
聚小貝則多聲昏姻不正有藉玉貝以為譁囂者

節南山之詩抑謂是與駢雅以細碎訓之細在糸部歟
也从糸由聲蘇計切字亦从由

一之字八須捷挾斯敝裂也方言三褻裂須捷挾斯敝也南
楚凡人負衣被醜弊謂之須捷注須捷狎娼也裂衣懷
親挾斯猶挾變也疏證爾雅釋詁際接契捷也郭注云捷
謂相接續也則須捷蓋俟補綴之意挾斯應是接會其綻
裂挾亦作俠廣雅挾斯敝也義本此互詳下釋服褻褻
注捷即捷字六書故卷十五詩一月三定今作捷

按須捷者須猶杓須言其縷之垂垂廣雅捷鬼也慧也
凡襪縷者多鬼慧忌不可近廣雅又作捷亟也愛其人云此
須者亟易之惡其人云此須者亟避之此會意注猶麻
屨之訓不借矣挾斯者爾雅斯離也廣雅斯裂也爾
雅挾藏也廣雅挾護也衣之離裂者惡人見恒藏護
說文變更也郭云挾變者言藏之須更易楚好言
鬼而矜奇服方言為輶軒國俗之書此皆楚語而
其俗可見矣必知須為縷垂者以郭注云須捷狎嬰

也狎嬰他無可證西京賦披紅葩之狎獵注重接貌
景福殿賦紅葩鞞鞞翰注花相次比貌胡甲丈甲切
笙賦鯢鯨參差善注裝飾衆貌神害二音以此推
之則參差重接為垂縷之多也

二三四扶疏分布也 上林賦垂條扶疏注說文曰扶疏四布也
呂氏春秋曰樹肥無使扶疏按六臣作疎劉良注扶疎分
布也

按說文木部小徐本扶四布也錯曰謂枝葉四布也犬徐

扶下从手作扶。扶下有疏字云。扶扶疏四布也。蓋扶有扶義。扶亦布。投壺室中五扶注。鋪四指曰扶。古者布指知寸。扶鋪則指疏。故曰扶疏。字以从手為祖義。故上林賦呂覽外若劉向傳梓柱生枝葉扶疏上出屋。楊雄傳枝葉扶疏。陶靖節詩孟夏草木長。繞屋樹扶疏。皆謂枝柯四布。作从手之扶。許从木者以扶疏說木。是小篆字耳。疏通作骨。又通作蘇。鄭風山有扶蘇。傳云扶蘇扶胥。小木也。孔疏毛以下章山有橋松是木。

則扶蘇是木可知而釋木無文傳言扶胥小木者毛當有以知之未詳其所出也味此疏語孔意以橋松為例亦信其為木而疑其非小近注說文者據釋文引無小字而以正義為誤孔未誤也又程氏瑤田著扶蘇衍義徵引最富謂樸欒轉音亦為扶疎如此則彼傳云樸欒心木也與扶胥小木正合蓋扶蘇小木橋松大木以言木則小大皆以山為宜也荷華弱小游龍强大以言州則小大皆以陸為宜也毛意如此小木得言扶蘇者女桑之遠楊柳聊之遠條甘棠

之蔽芾可以茂憩皆其理也專信釋文堅謂扶蘇為大
木遽芟毛傳小字其實元朗曾未云大至其舉證用劉
向傳語向傳是梓柱生枝葉謂王氏墓上事故云梓注
列作樹亦為不察矣埤按說文之扶自在手部訓佐也不作
扶疏義木部有榑桑榑字專聲寸部專下云布也則榑
桑寔以專布為義字不作扶書籍亦多作扶者是可通
扶作扶疏專布不作扶佐解乃楚金於榑下引十洲記說其
樹兩相扶故曰扶桑則似以扶佐為義此載記之言以證許

書為未審也。搏桑，叟字。許書特立叟部。云：「日初出東方，暘谷所登，所搏桑，叟木也。」象形。蓋其木專故以叟象之。叟切而灼則音若。注家又牽楚辭以為扶桑，即若木。不知高誘注淮南云：「扶桑，東方之野。」王逸注離騷云：「若木在崑崙。」西極此皆漢訓不可強同。許以叟為象形，則當先以形求也。夫日在木上為杲，則朝陽之梧桐是；日在木下為杳，則暮景之桑榆是。梧桐桑榆皆植木，人所見也。搏桑人所不見，故搏下曰神木。神木非木類，故桑叟不著木而別立一部。但象搏布，搏布則

宜作二又三又以象其高又者丑之省也丑紐也象紐曲也丑

時也日將出也搏布穹高而紐曲唯丑時若或有之而究不見

其木則姦之說也姦之下次以从木之桑云梵蠶所食葉木意別

搏桑云非神木故桑不入木部而次姦下意可知也唐風山有樛陸疏云為木多曲少直

又文選南都賦注引郭璞山海經注云樛似桑而細如以聲求則孫恤猶疑未

諦丑篆下云象手之形字當以手為聲姦从三手宜切書

灼與爍同音又亦爍也言熱手切書九姦切書灼手姦雙

聲之轉疏桑亦雙聲之轉則搏姦即扶疏之轉音

孫恤以搏切所蕩桑切息郎所菹息郎不能為轉用集
韻以桑切蘇郎則疏桑雙聲之轉搏桑亦即以扶疏為
音表不宜切以而灼也又安可以若木為說乎因論扶疏牽
引及此以孫恤為未諦者許書舊無翻切徐鉉增以切
音寔亦多戾茲且以本書所及者言之如羽部羽佳
字據高誘注淮者南以霏讀若翟則翟是北
音故木部之權水部之濯皆以翟為聲是漢讀
如此恤切徒歷則濯濯不可為聲矣又頁部頤字

許云从頁翮省聲。讀若翮。蓋省扁存羽故是扁聲。惛切。王矩則似羽聲。不合許之聲義矣。略舉二端可知切音之不可增許書。而此致字亦不必定以而灼為音也。

二之四輪耑繫著也。玉篇中耑部輪耑束禾也。力尹卧尹二切。

按綸卽綸易繫辭彌綸天地之道釋文引王肅云綸纏裏也爾雅釋詁綸縮綸也郭注云綸者繩也謂牽縛縮綸之今俗語亦然捆卽捆說文捆秦束也齊語捆載而歸注秦也又釋名釋宮室困綰也藏物繼綰束縛之也則捆卽是困又詩既醉室家之壺箋云壺之言捆也室家先以相捆緻疏謂相捆逼而密緻亦是固結綢繆之意此捆亦卽是捆也綸捆卽輪困漢書鄒陽傳蟠木根柢輪困離奇注引張晏曰委曲盤戾也綸

輪耑亦即犇因西京賦垂鼻犇因劉良以為下垂蓋
亦謂象鼻之秦良恐失之輪耑亦即犇苗洞簫賦犇
苗縹糾注相著貌輪得讀犇鄰者力尹之轉輪耑亦即
輪苗吳都賦輪苗糾蟠注輪苗屈曲貌糾蟠謂樹如龍
蛇之蟠屈相糾也語承攢柯拏莖拏當作拏字不从奴
淮南覽冥訓注艸與髮竝編為拏則輪苗蓋纏結束
縛之意也埤按一事爾雅郭注縮貉之或引淮南摸
蘇為說非也繩之謂之縮之是釋器經文貉定也是

釋詁經文縮訓掣縮是釋詁商也節郭注縮貉之
猶束定掣紫云耳義在本經而不覺別求漢訓轉
益支離近之以音學談經者類如是矣

二之六劇姚勁疾也史記衛將軍驃騎列傳為劇姚按
尉索隱服虔音飄搖大顏按荀悅漢紀作票鷄勁疾之貌
也票音頻妙反鷄音弋召反○漢書作票姚

按漢書此條是師古法索隱作大顏秘監多本於黃門
也漢霍去病傳分壯士為票姚校尉服音飄搖是駢字

師古云。票音頻。妙反。姚音羊。召反。票姚勁疾之貌。荀悅漢紀作票鷁字。去病後為票騎將軍。尚取票姚字耳。今讀音飄搖。則不當其義也。味顏語意。是以鳥名官。票鷁勁疾之鳥。是側字。騎之比鷁。則益加勁。故階有崇卑。斯義有大小。顏謂不當當其義。蓋票姚字諱。猶云票疾而姚易。故騎鷁。是舉物若讀飄搖。則義為殊耳。乃或以票姚即說文標繇。以旌旗之飄揚得聲。謂小顏勁疾之注為臆。沒而舉庾子山杜子美詩證其去聲之誤。然苟悅亦

漢人字既作鷄則根據以注漢書自是當行若以栗姚
即標繇則栗騎又將何謂蓋飄揚標繇繇揚雙聲語轉
標繇疊韻相生皆為不疾之書故許書衣部標下云旌
旗標繇也次即旗篆云旌旗飛揚貌是標緩於旗義為
殊別也顏意以鷄騎為物則栗是單為疾義今據
詩匪風飄兮匪車嘌兮傳云迴風為飄嘌嘌無節度也
疏謂此章言風名上章言發發謂飄風行疾是一風也上
章言疾車此言無節度由疾故無節是亦以單一飄

為疾車票在釋文本又作票則飄票同是疾義與顏注

勁疾之意相發而以姚為繇為揚則事無舉證也

姚作去聲讀顏不著其本始斯亦全書之通例為然

庾杜兩詩自關服義

詩鴟鵂漂搖傳箋皆不著解彼是疾書與此異者彼之巢馮枝藉乾搖則言其旋

旗繒帛但搖則不疾又漂謂雨搖謂風義亦殊也

二之七輕紗捷也 吳都賦輕紗之客注漢書述曰江都輕紗

高誘淮南子注曰紗輕利急疾也又後漢書馬融傳上成

或輕紗越悍注紗輕捷也音初稍反按輕紗二字無刻

誤倒此从舊鈔本諄音眇

按漢書述景十三王傳正作諄輕與上承文之慶合韻
師古於慶下音卿則二字不得倒轉作上輕下諄也張
刺不悞。文選注引證輕諄之客蓋倒班史之文以就賦
語故又云謂輕薄為諄也善引淮南注今按脩務訓
越人有重遲者而人謂之諄高注諄輕利急亦以多
言者言。諄讀燕人言趨操善趁者謂之諄同也此
云音眇是李善不用高讀

二之八獬豸連延也 文選洞簫賦密漠泊以獬豸注獬豸

相連延貌。勅陳勅員二反按此作獬六臣本作 注云善

本作獬與此合毛本何校本俱作獬唯胡本作獬字亦从欠

余氏音義謂五臣作獬音速以六臣向注證之速音非也

集韻平聲二獬豸連延貌癡鄰切

按獬即獬古書異字也獬在說文支部从支陳聲獬既

切以勅陳則从木申作獬者是从車作獬與从軟作獬从

軟作獬者皆非陳字經典或多从車作陣者亦非據顏黃門

書證云諸陳隊竝作陳鄭之陳行陳之義取於陳列
耳此六書為段借也又秘監注漢書刑法志云戰陳之
義本因陳列為名而音變耳字則作陳更無別體而
宋代學者輒改其字有从車非經史之本文也準以二顏
形義可訂蓋陳自从陳官部陳从官从木申聲作車則
不可為聲此誤寔始於右軍此語亦本顏氏書證篇又近人作楷書多
从得紅之東陳寔印聲字宜作印知此則諸家刻文
選者之誤愈可明也陳在許書訓列也李善於本賦注

連延貌。下又引字書獸逃走也。云逃走則字與聯猿同。西
京賦薨兔聯猿。薛綜注聯猿走也。亦與獬猿同。吳
都賦獬猿杞柎。注引埤倉曰獬猿逃也。五珍恥傳二切。
與獬猿同。陳大科刻初學記王延壽王孫賦扶嶽奎以
獬猿。音陳。下勅緣反。又與陳猿同。史記貨殖列傳陳猿
其間得所欲索。隱音逐。緣反。陳猿猶經營馳逐也。是蓋音義
相同而字形或異者。此洞簫賦王褒言竹而及此者。漢泊言
密微猿言連延而奔走。竹不能走山迴路轉則近者覺。

其連延。連者唯見崩奔。是巧構形似之言也。獾獾之義必如李善集引字書。乃為得之。二字雙聲。獾得同聯者。索隱說陳完事云。陳田聲近。釋文說。坐。在桑野。鄭箋古聲。寘。填。塵。同。云。皆是田音。亦引史記陳田同聲。則古之田亦直珍切。而說文田部孫恤。自作待。李切。聯在耳部。力延切。則聯田疊韻音亦相轉。今李善以獾切丑珍。是亦以聯讀陳音不讀力延。故錢宮詹養新錄亦謂與馳逐同音。意以馳陳撮逐皆雙聲也。實謂聯讀丑珍。則漢書田儉傳

乘傳詣洛陽。後漢書劉焉傳。今五國各官騎百人稱奴
前行。乘傳稱奴。亦獬豸雙聲之轉。師古以傳音張戀反。
章懷以稱奴為齊整。或又以守捉為義。宜皆引伸倒轉。
則左傳之傳來亦雙聲得轉。蓋古有是語。謂連延謂馳
逐。注家知其以傳為車。而不知車之以獬受名也。若以聯讀力
延。則獬豸疊韻。引伸之。則連錢聯拳與錢拳與獬雙
聲疊韻。倒轉則蟬連。蟬聯。蟬獬。亦雙聲疊韻。皆是連
延不絕之意。晉人以連錢為馬之毛色。疑是別義。唐人以聯拳

為鷺之靜立亦謂連延也。陳讀勅陳既訓馳逐說文馬部
駘驢走部趨趨又有載重難行之訓蓋急行則為獬獿款
緩即是趨趨獬獿趨趨亦雙聲疊韻輕重之間形隨
音變也。埤按一事說文田隙也此當作支部隙列也之隙
田制積夫乃井。積井為邑。積邑為邛。邛縣都阡陌以間
之。田以出兵。兵制積人為伍。積伍為兩。積兩為卒。旅師軍
行列以正之。故鄭注地官稍人云邛乘四邛為甸。甸讀維
禹隙之之隙。賈釋此據韓詩而言。隙隙是軍陳準。

此則田陳宜是陳列義也。二徐作陳者，牽於索隱陳田聲
近之說，意為齮聲字，而不悟許於自部之陳，別訓宛邱字
从自。自訓大陸山無石邱，訓土高自是會意字。許以陳
訓田，云象阡陌則陳列，句固象形字。如以聲齮是
廢形義，故田之為陳，在史記則以聲近相通，田之為陳
在許書則以象形為主。廣雅詁田列陳也，田與列並訓
為陳。爾雅釋地郊外謂之牧，釋文引李巡注田陳也，
謂陳列種穀之處。諸書具在，非其徵與？近之注家有

作陳者是為得之然其立說仍引陳敬仲是亦牽於田陳
聲近之說以證許惜依舊無關蓋陳之與田亦自以聲
近相通故康成以甸讀田周禮案伯韓嬰以甸作陳是亦聲義
而陳不得作陳者敬仲既為舜後自應作宛邛之陳阡陌
既是為形自應作陳列之陳也至說凡言田田者即陳陳
相因也陳陳當作陳則又未然樂府蓮葉何田田詩
振旅輶輶或可以陳列為義食貨志陳陳相因自當
依小顏訓久舊如改陳列則文帝紀今聞吏稟當受

淵者或以陳粟詩甫曰我取其陳又何以爲義也陳久
義見盤庚陳子茲孔傳師古之注要亦根於漢訓
耳

小學駢支卷二錄目

艮磴錯錯礪斫

鈔董

盜歌

粵拳

覩縷

斯諺

閤管

離灑

離婁

奇羨

偃仰

淞躍

涓沸南

未續

捏祖

齋殄

撼擢

尉藉

卹削

脰出素問都字說文脣字是字
廣雅脰也王冰解字

趨趙文選注

存存萌萌

小學駢枝卷二

秦州田寶臣少泉

二之九良磴錯錯礪礪堅也方言士良磴堅也注良磴皆
名石物也礪五碓反又二錯錯堅也自關而西秦晉之間曰
錯吳揚江淮之間曰錯疏證廣雅錯錯擊也玉篇錯擊
皆云堅也楷啟二音玉篇中石部礪礪堅也小學鉤
沈六通俗文上堅硬不消曰礪礪原注四分律卷十九音義
莫戒二音

按易艮止也艮為山疏取陰在下為止是艮為在下止物也說文已部見很也彳部很，不聽从也。一曰行難也。石部磴磴也。豈部豈還軍之樂還旋也復也。此云艮磴蓋是言磴。今人竝上下石總謂之磴景純以在下止者為艮在上還者為磴又非判然兩物也。知者如是兩物則當云皆石物也。唯是一物而析體相名故注必先云皆石以見析義。次言石物見非殊器文宜如是。方言之文即謂磴之艮很亦得也。必如是以析之蓋艮非磴則不見其行磴非艮則行亦不

見其難也。古人注書，心苦須為分明矣。良磴堅也者，取部取
堅也。从又，臣聲。讀若鏗鏘。古文以為賢字。从又者，又部又
手也。臣聲者，臣牽也。取堅賢三字一也。鄭襄公堅在左傳為堅見
宣公四年。公羊則為取見成公四年。疏引穀
梁又作賢，賢之作堅見後漢校官碑。親取寶知師取作朋。又袁良碑優
取之優寵皆以賢作取。堅又作牽。公羊定公十四年公會齊侯衛侯于堅。左
傳則作牽。牽又作堅。公羊僖公二年傳牽馬而至釋文
牽本作堅。皆可與許書相證也。

取聲之字。牛部堅，牛很，不从引也。石部磴，餘堅者，此方言堅
字，蓋謂磴之重澀難行，不相聽从。堅在取部，岡也。論語
鄭注岡謂強志不屈撓，是此堅字義也。餘堅之堅，蓋

礧之未盡靡者在礧之樞轉處。方言此條亦形似之。凡慳
澀者皆得以良礧目之。並不謂礧也。疏證引宋玉高唐賦振陳
礧礧。張衡思元賦行積冰之礧礧。今皆引方言礧堅。今按
礧礧疊字。當引漢書禮樂志礧礧。即即孟康注。案積也
為義。蓋礧是重石積疊之象。故魯靈光殿賦汨礧礧以
璿璣。高唐賦振陳句。善皆注云高貌。而思元高唐必兼引方
言礧堅者。以見行難耳。惟良礧雖是析義而上下相須。則不
容單舉。善注宜奪良字。錯錯堅也者。說文九江人名。鐵

曰錯錯之字从稽當如李奇注食貨志滯也義錯錯皆蓋言
鐵澀如筦籥之難開陷釘之不起新冶則摩之聽之削之皆是
澀重故亦云堅也礪斫堅也者通俗文堅硬不消曰礪斫易豫
卦介于石釋文引鄭注介作斫訓磨斫也磨是磨礪不與礪
同又一切經音義十四引通俗文音莫八胡八反許以莫讀若末
古無四聲斫入則讀公答音轉則莫竟讀末音變則斫讀
若殺是礪斫與末殺同谷永傳注末殺婦滅也與滅滅同說文
滅滅滅也讀若椒檓之檓滅拭滅貌蓋末殺滅滅礪斫皆是

滅之之書嘗有研石堅而不純磨之則與者窪而堅者不磷
一蘇州工曰待麻汗時不解其語今乃知其為礪斫是通俗文
所謂堅硬不消讀莫八胡八者也特漢人語簡不晰言之耳
切經音義十五引字指礪斫雷大聲也則是別義

二之九鈔董錮也方言十二鈔董固也注謂堅固也疏證固
各本訛作錮廣雅鈔董固也與此注合。鈔音丙此尚沿舊
解作錮

按鈔字他書未見以丙言說文陰氣初起陽氣將虧从一

入門一者陽也。門篆下許之覆也。曰入曰覆皆有固閉意。大徐亦用楚金說陽功成入於門。門者門也。天地陰陽之門也。準此則丙得云銅。故蚌之為鮒以善閉。穴之為窩以其閉藏。憂心之為怵亦為隱憂。此可知丙字義也。董之為銅他書亦未經見。唯史記倉公列傳年六十以上氣當大董。徐廣注董謂深藏之是銅之義。廣又云董亦作董。索隱音謹。蓋銅董本疊韻字。古文董作董。字直似董。徐廣就董字作法而增董於其下。轉似以董為正。而世之刻方言廣雅者亦皆作

董安知古本。不原作董也。內則塗之以謹塗注。謹當為瑾。瑾塗塗有穰草也。字作瑾。而玉篇引此正作董。塗涂是古本。內則原作董字。則瑾之為董。確有明徵矣。唯說文瑾在土部。董字別立一部。是許為殊訓。而鄭則相通也。董字疑定作董。鋤董鋤也。方言从金作鋤。廣雅作固。郭注方言謂堅固也。據說文鋤鑄塞也。固四塞也。漢書楊雄解嘲。宛舌而固聲。注固閉也。文選曹子建求通親親表。禁固明。一時注鋤與固通。然則固即鋤字。郭義亦謂堅以鋤之。非若天保毛傳以固為堅訓也。方言

疏證改錮為固以各本為訛者未知字本相通而著此一語閉固之義抑又隱焉矣

二之九盞歇酒也 方言十二盞歇酒也注謂渴也疏證爾雅釋詁揮盞歇酒竭也說文涸渴也讀若狐貉之貉渴盡也廣雅渴盞酒盡也。盞音澆

按郭注爾雅云月令曰無澆陂池揮振去水亦為竭歇通語邢疏盞即澆也郭云歇通語謂歇即渴之通語也此郭注方言云謂渴也說文涸渴也渴盡也渴呂

忱其列反亦歇渴字邢疏以盞卽漉漉在月令釋文
音鹿竭也說文漉浚也一曰水下貌也浚抒也據春秋
浚洙孟子使浚井皆抒水使盡之義與月令同與水
下貌別又漉之重文作漉段謂攷工記作盞今按慌氏
清其灰而盞之而揮之鄭注於灰澄而出盞晞之晞而
揮去其盞此盞亦為水下盞洙盞三字同義而殊者
方言盞盞歇涸也謂浚之而涸與月令同是許本義
爾雅揮盞二字則本攷工謂漉漉其滋液所謂水

下滴漚也是許一曰義然揮在鄭注是晞之後事謂
帛之乾此無所謂滴漚者直揮其蠶故經文而蠶之
而揮之是兩事郭注爾雅則謂蠶其滴漚者而揮之
如左傳既而揮之之揮此又與鄭別義釋詁又云整水
盪也注亦以漉漉為義然則許氏之一曰乃爾雅之解
近之爾雅家引恍氏乃云盪與揮皆為澄而去之
又引左傳作二十四年孔疏云振去匭中之水故曰揮
何承天云振去為揮按僖公二十三年左傳杜注揮

湔也疏懷羸奉匱盛水為公子澆水令洗手既
而以溼手揮之使水湔汚其衣故云揮湔也則揮非
振匱如近所說則不知所本兩引經疏皆臆撰也何說
別見曲禮玉爵不揮疏。

二之十粦牟制手曳也爾雅釋訓粦牟制手曳也注謂
牽挽普經乎逢二反

按邢疏孫炎曰謂相掣入於惡也郭云謂牽挽周頌小
毳莫予荇蜂傳荇蜂摩曳也鄭箋小人無敢我

摩曳謂為譎詐欺罔不可信也然則掣曳從旁牽挽之言是挽離正道使就邪僻并粵峯蜂掣摩音義同又按說文万部粵亟晷也或曰粵俠也人部俠傳也段引如淳曰所謂權行州里力折公侯者也或曰任氣力俠之為言夾夾持也又部峯晤也午部晤逆也午部徧徠皆訓使也然則夾持晤逆而使之不能自主斯粵峯之義矣摩在手部从𠂔作𠂔引縱曰𠂔段引爾雅釋文引而縱之曰𠂔謂引縱者宜遠而引之使近宜近而

縱之使遠皆為牽制也

二之十覲縷次第也文選吳都賦嗟難得而覲縷注
王延壽王孫賦曰嗟難得而覲縷李周翰注覲縷次
序也言難知其次第也

按字作羅謝靈運擬魏太子鄴中集詩第一首羅
縷豈闕辭善注引王孫賦語亦作羅云羅或為覲又
按晉書傳咸疏臣前所以不羅縷者字亦作羅知古本
然也文選舊刻吳都賦皆作覲玉篇覲縷委曲也則

字从商作覲今毛刻文選竟作覲據類篇覲為俗字
蓋說文見部以覲从見商聲若作爾則不可為聲也廣
韻縷又从言作謔云覲謔謔見說文言部諛謔也則字
宜从言

二之十一斯諺離也 爾雅釋言注齊陳曰斯諺見詩正
義齊陳曰斯方言文諺見詩者舊疏引小雅巷伯云
哆兮侈兮諺音侈

按說文說離別也从言多聲尺氏切讀若論語跖

予之足。今毛詩未見諺字。疑析薪地矣。容有作諺者。此亦因聲求義。又以爾雅斯諺相連。而舊疏引斧以斯之為斯。離之證。遂意把容作諺。此不然也。邢云諺見詩者。卷伯云。吟兮吟兮。成是南箕。鄭箋云。因箕星之吟而又傷大之是也。諺侈音義同。邢意蓋以卷伯傷讒之詩。孔疏言箕之二星。踵已侈然而大。舌又益大。故成為箕。以興讒人。因寺人初有小嫌。又構之。則愈離矣。其根柢鄭孔全在愒意。不在字訓也。小弁云。伐木椅。

矣析薪施地矣是宜白自傷之書鄭箋云倚其巔者不
欲妄踣之地謂觀其理也必隨其理者不欲妄挫折之
以言今王之遇太子不如伐木析薪也孔疏地者施也
言觀其裂而漸相施及則地之與謬義不相牽矣
二之十一閭苦開也方言六閭苦開也東齊開戶謂之
閭苦疏證廣雅閭苦開也本此今方言各本訛作咎按此
尚沿舊本从竹从占

按盧刻方言云各本下一字皆作咎宋本衣作咎廣雅作

苦。苦之訓他書未見。竊疑皆當作苦字。苦蓋雖皆所以覆屋而蓋亦可以為戶扇也。見荀子宥坐篇。九蓋皆繼楊倞法。又說文蓋苦也。周禮夏官圉師茨牆則剪闔。康成注闔苦也。然則苦與蓋義皆同。而轉為開字。固有反覆相訓者。此亦然也。今按方言闔開也。此闔苦本謂開其苦。而凡開者有若闔苦然。故云闔苦開也。方言多是各地流俗之語。今謂發人之覆者為揭。談亦是比矣。又方言十食闔勸也。南楚凡已不欲喜而有人悅之。

不欲怒而有人怒之謂之食閭蓋入其意而開之食猶龜墨
之食耳司馬相如傳眇閭易以邱削索隱謂衣長貌
恐亦謂其閭開而姚易閭之音變而為廉索靖書勢云
窈窕廉苦隨體散布亦謂艸書之開張也

二之十一離灑鏤鏤也文選洞簫賦鏤鏤離灑注離灑
鏤鏤之貌灑所宜切

按灑通作洒晉語狐突曰玟之以金銑寒之甚矣韋昭注
玟猶離也銑猶洒也洒洒寒貌洒音銑洒字極精言對之

膚粟是寒離之義亦金之光澤使然釋器所謂絕澤
謂之銑也銑洒西先皆聲之轉古字通也此洞簫賦灑字
又精言雪滌言光澤言純淨也意謂簫身然文連鏤鏤
則是簫孔當用孫炎說琴瑟之義大琴謂之離孫謂音
多變聲留離也大瑟謂之灑孫謂音多變布如灑出
也此簫孔之雪滌而光澤也鏤鏤之至也欲其音多變聲
留離也欲其音多變布如灑出也是離灑之說也字蓋所
宜所綺兩讀善注所宜則離灑僅作疊韻字知灑通

洒者詩山有樞弗洒傳洒灑也疏謂洒轉為灑伐木洒婦
箋正作灑知西先聲轉者史記趙世家反亞分先俞於趙
先俞據徐廣注即爾雅釋地之北陵西隄雁門正義謂
西先聲相近

二十一離婁疎朗也 文選景福殿賦丹綺離婁注離婁
刻鏤之貌劉向薰爐銘曰彫鏤萬獸離婁相加李周翰
注離婁顏色相分布貌

按說文囧部。囧。窗牖麗廡闔明也。段云麗廡雙聲讀。

如離婁謂交延玲瓏也。女部婁空也。从母。从女。婁空之意也。段云凡空中曰婁。今俗語尚如是。凡一實一虛層見疊出。曰婁人曰離婁。窗牖曰麗婁。是其意也。从母猶从無也。無者空也。从中文謂離卦。離中虛。皆會意也。今按周翰以顏色分布立義。與景福殿賦之丹綺合證之薰爐銘則自以彫鏤為長。鬱儀謂疎朗亦是不用。周翰說又長。門賦魯靈光殿賦皆有離樓字。即麗廡也。又廣雅櫺落也。也。齊民要術杔落不完。據元應書以杔櫺以離二字同釋名。

離離也以柴竹作疏離離也麗離也音同慶婁樓音同麗
櫛音轉慶落音轉皆交疑玲瓏空婁之義也二字雙聲
合聲則單曰一留爾雅釋訓凡曲者謂留留此語不列釋
器藝婦之笱下是不涉而郭注釋器引毛傳留曲梁
也謂以薄為魚笱其注釋訓亦引毛傳留曲梁也凡以
薄為魚笱者名為留誤讀毛傳義不為然說詳後案然
自晉以來已成舊義其措言簡盡疑有化工蓋其意以曲為
笱堰水為梁以曲薄承其闊空是留古制今釋訓言凡

曲者為留則是凡有交矩以當關空似筭者皆得以留名
之故立注只不廢凡者二字已是離婁之意初不與釋
器相同也從前疏家惜未說此而孔氏欲為詩證引
此釋訓之注竟作凡以薄取魚者名為留也僅易二字遂
死句下又非郭義直使雅訓為不倫矣因論離婁遂
並言之離婁合聲則又曰樓釋宮陝而修曲曰樓說文以樓
為重屋釋名謂樓牖戶之間有射孔樓樓然也曰陝而
修曲則複疊疏通離婁之義也

許於留下云魚所留也以留止為義
重文作婁云留或以婁婁則婁

空亦許

義也

二之十四奇羨餘羸也 史記貨殖列傳時有奇羨索隱
奇羨謂時有餘衍也

按奇羨索隱單行本云上音羈下音羊戰反奇羨
謂奇有餘衍也則奇作畸零解按時字義密疑
時是畸之譌而單本作奇亦畸之奪田耳史文奇字自不
田

二之十四偃却偃蹇也

荀子非相篇足以為奇偉偃却

之屬注偃却猶偃仰即偃蹇也

按一切經音義卷二偃蹇居免紀偃巨偃三反左傳偃蹇驕傲也廣雅偃蹇天矯也謂自高大貌也釋名偃偃息而卧不執事蹇蹇蹇也病不能作事今託似此也此莊氏所刻元應書漢魏叢書本廣雅天矯作矯云偃却猶偃仰者少儀矧則啟積蓋龍衣之鄭注龍衣卻合之正義引白氏云卻仰也謂仰蓋於函底之下士昏禮啟會卻於敦南賈釋卻仰也謂仰

於地楊涼注荀固有所本卻在說文月部从月谷聲俗
乃作却譌乃作却以月部為邑部矣偃天卻矯蹇
皆雙聲之轉

二之十五淦躍竦發也 文選射雉賦意淦躍以振踊
徐爰注睹草莖傾動冀雉將出意淦躍而振踊也
按淦躍善注音失再失藥二切則與閃爍同音二字
雙聲禮運注淦之言閃也淦閃亦雙聲何校本音
審意或主此而胡刻遂妄作淦疑字本當作淦也

毛本注作淦躍踊逸也無而字不作振踊駢雅以疎發
為訓極得徐指賦上句云瞻挺秘之傾掉蓋雉在草
間射者之精拙神注恐其遽出而緩不及事又恐
其遽發而先則無功淦謂意迹之躍謂先中是
淦躍之義也增按一事說文淦濁也下段用元應書
引埤蒼水無波也又用杜詩山霧戎戎溼溪雲淦淦
寒云戎戎言其流動淦淦言其凝滯水無波義之引
伸也其說甚精然吳蔡各古本俱作江市戎戎暗山雲淦淦

寒段氏所據不知何本

二之十五涓沸動涌也 楚辭哀時命氣涓沸其若波洪
興祖補注涓沸也釋文音館集韻官貫二音沸同
按說文涓沸也从小官聲古九切近注云春秋繁露燔以
涓湯韓詩外傳作沸湯然則涓沸一也周禮注曰今燕俗
以湯熱為觀觀即涓今江蘇俗語沸水曰滾水滾水即
涓語之轉也今按繁露所說是湯之涓者若史記龜策列
傳腸如涓湯索隱涓沸也則以熱言據小雅百川沸騰毛傳以

出訓沸蓋氣盛而漲故熱然不得以周禮證者司燿注燿
讀若子若觀火之觀今燕俗名湯熱為觀則觀火為
熱火蓋秋官司烜氏以夫遂取火於日中為明者冷火也是
鄭以熱對冷言說文之涓不與冷對鄭既說火火則不得
以涓通觀矣又挈壺氏及冬則以火鑿鼎水而沸之而沃
之鄭司農云冬水凍漏不下故以火炊水沸以沃之則周禮
自用沸字觀湯則以熱言江蘇滾水自是涓之轉與觀
不涉

二之十九嬛蟬綢撚未續也 方言一嬛蟬綢撚未續也或

曰未及也疏證廣雅綢撚未連似與屬結續也

綢撚未三字取之此條是自未以上五字各自句絕嬛嬛古通

用蟲行也蟬玉篇云蟬連系屬之言也綢玉篇云續也撚廣

雅云以指撚物義出廣韻此說作雅皆有連屬之意未續應謂欲續而未

結繫未及則猶有間斷廣雅失之。按下云未及則上以未續為

句明矣廣雅未續二字不謹與方言本異兩存其說可也

按戴疏方言以未續連讀王疏廣雅謂未疑末字之謫蓋

戴以字鄰節尾。王以字在節中。故為說不同。若如戴言。則蟬網兩引玉篇。皆當改訓未續而後可。王說按掇而舊無明徵。蓋古書之茫昧不可知者。今且準王意。疑古人自有此訓也。書立政。我則末惟成德之彥。孔訓終。若訓續。則語氣承上繼自今。亦正與唐孔氏戒成王使繼續云。義應然。則末惟者。續思也。召誥王_末有成命。孔訓終。若訓續。則承上夏殷歷年。亦與上下永命承注然。則_末有者。續有也。顧命導揚末命。孔既訓終。于末小子孔。

又訓淺淺是謙此何時而謙乎若皆訓續則兩末字正一堂
嗣續之辭語自相承不煩異訓然則末命者際嗣續而有
是命予末者承似續而有是稱也禮樂記粗厲猛起奮
末廣賁之音作而民剛毅鄭訓四支陳訓終若訓續則
猛威而起振奮以相續正謂樂作四支則容非音之義終則
樂闋非作之義然則奮末者奮續也左傳三數叔魚之惡不
為末減杜訓薄若訓續則三數是有加末減猶遞減蓋後
罪既加則前科宜減有續義然則末減續減也又山海經

末山漢書且末太末疑亦謂竟地縣續晉謝韶小子末
亦欲其嗣續不已也凡此皆可以證末之為續又崔駰臨洛觀
賦云迎夏之首末春之垂亦謂續春之垂耳潘岳詩朱明送
末垂善注末垂猶末也是又別用廣雅釋言末垂之訓自與
潘詩送義相副乃又兼引崔賦蓋不審末與迎對是續
義也王氏說經不主故常每於古人未言之處發抒精
義此條獨惜其引而不發為證明之如此又疑方言末續亦
是末字或曰未及也方作耳未之末未及猶云未續

荀子儒效篇
周公屏成王而

乃武王楊注及繼後漢書宋宏傳或相及為公卿者或曰之書自關別
注及猶繼也說文訓繼為續皆是以及為續之譌
義若是上文真為未續則子雲著書疑於複沓末未之
謫若論語抑末也釋文作未即其徵也

二之二十二挫祖上也 方言十二挫祖上也祖挫也祖轉也注
互相釋也動挫則轉矣疏證廣雅挫祖上也本此

按爾雅挫作也釋天扶挫謂之焮注暴風从下上高誘
原道注扶挫如羊角曲縈而上也曲縈即祖轉之義
又淮南要略精挫靡覽注楚人謂精進為精挫亦謂

上進也

二之二十三畚殄合也 方言六畚彌合也疏證畚通作嗇
亦作緡彌各本訛作殄今訂正彌通作彌省作弥訛而為
殄耳按此尚沿舊本作殄

按此與一之二十二蘊嗇字皆譌嗇下从畝不从面說文一百九十
四畝穀所振入也宗廟菜盛蒼黃畝而取之故謂之畝从
入从回象屋形中有戶牖凡畝之屬皆从畝力甚切畝或
从广廩百九十五畚愛漚也从來畝來者畝而藏之故田夫

謂之晉夫一曰棘省聲凡審之屬皆从審說文部分相
承旨上从人是入字此仍蒙上一百八十四部審則蒙旨
而次之也又廣韻入聲亦引說文云來麥也來者旨而
臧之來麥也之字許書所無與來者句義亦不貫是
徐鍇部叙來下語妄增於此其寔許僅云來初無
麥義楚金著書多非許惜來蒙下云天所來也何當竟為
麥哉一來二維當據思文疏正之
二之二十三臧擻到也方言十三臧擻到也疏證廣雅擻械
至也擻械即械擻之譌玉篇廣韻並云臧到也說文云

擻刺之財至也縮致二音

按說文擻刺也。一曰刺之財至也。是擻以刺為主義。擻致聲。致送詣也。詣候至也。以此觀之。則擻乃素靈之鍼蘊也。方言廣雅單以至到為訓。讀者不察其奧旨。而古義湮矣。致在夕部。夕通行也。此正許氏財至之義。干部。干擻也。从干。入一為干。入二為干。讀若飭。言稍甚也。細玩許旨。干既是擻。又云入二。則擻義之矜持可知。注家引刺直傷也。訓此擻刺。猶為不憐。以許證許。尚須審細。殊不易也。抵擻當

借冬官以明之不微至無以為戚速也注謂齊人名疾為戚此戚亦言戚疾蓋彼注輪之至地者尤言其圜甚則著地者微著地者微則易轉故不微至無以為戚數此則鍼之入腠者少言其速甚則達疾者微達疾者微則不傷故不微至亦無以為戚速戚有疾速意揅有矜遲意兼此而揅揅之意乃盡郭玉有云神存於心手之際揅揅之謂也方言疏證謂廣雅作揅械為謫者謂謫手作木非謂倒轉廣雅釋詁揅械二字中尚間一矩字不謹也然即以

擻擻謹言則更有精意。擻从戚音宿。字與摺通。衛戚邑左傳作戚史記作

宿。摺蹠引也。段云蹠古多段戚摺古段縮則此之先擻後

擻者謂遲久而至之。即戚迫而引之。按方言先擻後擻

者為愈精二字顛倒相輔不容間以他字。疑本謹而

廣雅問之矣。廣雅問以𡗗字而字遂各單至篇韻遂

單以擻為到也。之訓此亦訓詰遷變之一端也。甘泉賦亦

子雲作云洪臺崛其獨出兮擻北極之嶸嶸。正謂遲久

財至故取此擻。猶唐人云羣蜚刺天亦取其字義焉耳。

二二十四尉藉安置也 漢書趙廣漢傳其尉薦待遇
吏如淳曰尉亦薦藉也按尉與慰通尉藉即慰藉後
漢書隗囂傳所以慰藉之良厚注慰安也藉薦也言
安慰而薦藉之良甚也

按漢書韓安國傳以尉士大夫心注古尉安之字正如此
其後流俗乃加心耳又田千秋傳注尉安之字本無心也
是以漢書存古體字焉觀此二注是顏意以尉為本字
蓋以說文火部尉从土按下也从尸又持火以尉申繒也故

胡建傳注亦云尉者自上安之也是用火部亦以本書字
形作尉而為之說耳其寔凱風傳慰安也說文忤部慰
安也从心尉聲毛許舊義皆本从心秘監之言宜未精矣尉
藉據章懷後漢書注尉平也杜預左傳注藉薦也李軌
莊子注藉因也凡申繒者必使下有茵馮而後以火尉其
上則其繒以平待遇人者亦使其家有藉而後以溫尉
之則其人以服此尉薦之說也二字相輔有單言尉或言
藉者文省經典又有繒藉字聘禮記法藉謂繒也

縕所以縕藉玉此縕字用繫辭虞注藏也大戴記保傅
云大師縕瑟而稱不習蓋云藏縕多作蘊蘊以方言證
之則崇積義以小宛溫克疏證之則包裹義蓋並縕
則見崇積屈縕則見包裹是蘊藉之說也又有溫藉
字小宛飲酒溫克箋云中正通知之人飲酒雖醉猶能
溫藉自持以勝正義云蘊藉者定本及箋作溫字舒
瑗云包裹曰蘊謂蘊藉自持含容之義經中作溫
字者蓋古字通用孔說是然鄭於縕藉言縕此獨

言溫溫字可味也。賓之初筵溫溫其恭。箋云柔和也。抑溫溫恭人。傳云寬柔也。本詩溫溫恭人。傳云和柔貌。三詩言恭皆言溫。傳箋言溫皆言柔。溫尉雙聲轉語。則溫亦尉之引伸。凡繒耒平恒苦強。感唯尉則柔且寬而尉之著處恒溫和。蓋強感者客氣號呶之徵。溫和者德性齊聖之驗。然則溫藉與尉藉別訓。而奧旨亦復潛通也。又有醞藉字。尉之轉為鬱鬱。鬱之轉又為醞。是亦雙聲。漢書薛廣德傳。廣德為人溫雅有

醞藉注謂寬博有餘云溫云寬博是亦申繒之惜而字既
為醞則醞釀彌深矣唯尉藉是待人蘊藉是藏玉
溫藉醞藉是自持此古人畫義不得強而同者

二十五卹削戍削也史記司馬相如列傳揚袍卹削
集解漢書音義曰卹削裁制貌索隱張揖云揚舉
也卹削刻除貌也按此相如子虛賦語今索隱單行本作
戍削漢書本傳暨文選同戍音卹

按戍削漢書本傳上凡兩見皆子虛賦語揚袍戍削字

作成注張揖曰成鮮也削衣削除貌也師古曰或舉或曳則成削然又眇閭易以恤削字从心作恤注郭璞曰恤削言刻畫作之也文選賦斷為兩恤削句見上林則又作卹

二之字五臃臄曲卻也廣雅釋親臃臄曲腳也古獲篤骨骨切卻當作腳

按素問骨空論却痛痛及拇指治其臃注臃謂却解之後曲腳之中委中穴又至真要大論臃如結注臃謂

却後曲腳之中也。荀子富國篇詘要橈脰法脰曲
腳中此皆以脰為曲腳。从肉作腳之證也。脰為曲腳未有其
徵。二字雙聲疊韻。今市井言屈却者猶竝舉脰脰為
形似之書則古有是語也。作曲卻者今見駢雅據釋名
腳卻也以其坐時卻在後也。據曲禮坐而遷之法坐
跪也。蓋古之坐者恒曲卻。曲言却卻言脰。曲卻字謹
義輔是卻為古訓。疑駢雅所據本作卻字而今廣
雅作腳者轉誤。知者。今人以一脰為一腳或以足之著

屨者跣腳說文則以脛為腳肉部腓股腳脛胫腓
腓凡七篆自上而下次第言之腓股在膝上腳脛在膝
下腳脛也脛胫也胫不能曲必通腓股而後曲卻之勢
以成故廣雅上節亦以腳為脛此節自不以曲言腳也
月部膝脛頭節也曲卻之機全在膝節故膝端為髌
膝脛間骨為髌膝外為成素間成見膝後則為穴必曲卻
其脛乃能取中則王砭楊倞以脛為曲卻之中作腳
者宜皆卻之論素問刺腰痛論刺其卻中注却中委

中也。郤與欲隙同。素問所刺自宜謂欲。然正書欲郤形
近。注謂委中。委據楚辭注曲也。則曲郤取中。委中之義
當从谷。月切。去約為正。宜本作月部之郤。譌而為邑部
之欲。好古者又轉寫郤耳。蓋郤隙讀綺較切。是統
書郤讀去約則專目著書曉人。其以專目可知矣。
知足非腳者。說文七篆以腓脛為訖。竟腓脛脛也。脛
腓腸也。腓腸別見足部。足也。上象腓腸下从則。腓腸
之下乃名為足。而凡以著屨為腳者皆非。此可據說文肉

部以證釋名。知駢雅之是而廣雅竝素問荀子各注之。
譌者曲卻亦雙聲形似字。鬱儀不以入名稱與腠理。
隴胡為伍而隸釋訓意可知也。許於腠腠下即接腠篆。
謂通上腠股七篆為一腠也。腠只聲與走部之迟只聲同。
迟曲行也从走走切丑略許引公羊傳走階而走則漢法以。
迟橈為曲行避敵者亦謂曲卻以走。凡走者脛恒卻後莊。
子吾行卻曲釋文引字書卻作只只亦迟字主諺孫卿以。
綺戟切迟與邑部之卻同音迟从走恐走亦聲迟。

曲卻曲卻一焉而已也。知腓腸之下乃名為足者，足部
足足也。上象腓腸下从止，楚金以腳脛後腸為腓腸，足部
足人之足也。在下从止，許不言象。楚金又謂象股脛則足
足義不甚別。云股則却以上更在腓腸之上，是足長於
足矣。今據靈樞經說上踝五寸別貫入腓腸穴，則腓
腸自在踝上。踝據釋名居足兩旁，磽确然也。則足上之
骨內外象○者，故足雖訓足，實自腓腸足之為足，乃自
○下。然則腓腸至足乃名為足，足以短計除腓腸至踝之

五寸則為足也許於足云在下於足云上象腓腸蓋腓腸
之脈寔自足而上云上象則足為在下互義自明楚金未
審足上从口口是回市切羽非之口不从口口乃言食切若后
之口也近人作注或欲改口作足部與上齒部相次立義謂
止下口為齒口下止為足者抑又失之止下基一也足下之止
是會意字亦象形字止諸市切齒上之止別是聲義
此足足二部仍蒙止部以為孽乳之訖竟止許於足下云从
其意如此注又妄為倒轉下品部乃遙承口部直至音部以
云从口止則是全未明也

為訖竟也

癸辛雜識續集說女都穴俗言文母腹痛食女婿脚後跟并陽赤謂其外又謂各經無此穴又云女頭穴實謂

此即脉腸穴云女婿者說文正下云或曰胥字故有此謠耳

附按廣雅上節云股脚跣

脛也意通一肘據許書股訓髀跣訓一足恐未可通以
為脛茲且以他書證云脛字據漢書趙充國傳聞苦脚
脛寒泄注脛却以下骨也釋名脛莖也直而長似物莖也
山海經赤脛之民注赤脛却以下盡赤色是以脛為脛與
許說合與廣雅亦合也股字周髀算經上以髀為股太
元經元數九體三為股肱注却上為股山海經元股云

國法元股髀以下盡黑詩采菽赤芾在股箋脛本曰股是皆以股為髀在剝上與許之以股次脛以髀訓股者合而與廣雅以股為脛者不合也惟史記酷吏列傳餘皆股栗徐廣注股栗髀脚戰搖也是以一胆言漢書高五王傳股栗而戰師古注股脚也此以股為脚即是以髀為脛要皆因戰慄為言自無單目股髀之理而非股之本訓為脚也踦字以爾雅為最先釋畜左白踦此兩足具而僅以色別者釋蟲蟪蛄長踦此言股脛之長者

其足皆全次則方言云踦奇也全物而體不具謂之倚凡
一單文體不具者謂之踦則以踦為奇隻不具故許書亦
云踦一足也蓋足以兩偶一足則踦此不可以說蠡蛸也故虫
部蠡許不蛸作州下變踦之一足言股則不同揚義而爾雅之
兩義兼賅此非許書立義不一蓋古訓之原寔有不同
者今廣雅言踦者二釋詁以踦為蹇似一用方言與
許書一足之義釋親以踦為脰似用爾雅兩踦字與許
書長股之義然踦是一足一足直不能行蹇在許書訓

跛跛行不正也。易跛能履。公羊傳跛者迂跛者方言蹇也。條注跛者行跣蹠也是皆兩足具而不良弱行故漢書賈誼傳楚辭繆諫注皆云蹇跛也。釋名亦云蹇跛蹇也盡與許合而與廣雅之以蹇訓跣者不合也。跣又不可直謂之脛許以躡跣為長股兼股脛以為言而非專以股為脛。目廣雅意以跣一足則無趾者唯餘有脛故有此脛是我以理而言跣是有趾之一足猶稱矜寡固謂生者有趾者跣未可竟目為脛也。大氏廣雅之言脛與許合與諸

家亦合言股言跂則與許不合與諸家亦不合也然跂無
脛訓而自有足訓管子借堯之時一跂腓一跂屨而當
死謂一足剝一足屨也又淮南子齊俗訓男女切跂注跂
足也則此之以脛訓跂宜雅讓自有根源第古籍無徵
存此孤義求之習見之書粹無印證耳因為言之以著
抗懷之意又附按王弼注素問云脛為郝解後郝解
解字即攷工弓人之芟解意後鄭謂芟讀如齊
人名手足擊為骹之骹芟解謂接中也此王注

言解之意骨論寒府在附邴外解營注亦謂骨解也

二之走趨趙久也 說文解字第二趨趙久也直离切按

趨通作趨詩齊風巧趨踰兮釋文趨本又作趨上須

反

按今說文作趨趙久也段據篇韻訂作久也云久遲行
久也趨趙雙聲字與峙踞竄著踣躅皆為雙聲
轉語趨从走多聲直离切趙从走肖聲治小切其說
以音求之最為創獲辭詮本不作此解用廣雅趙及

也說久是及字引淮南脩務訓跌蹠而趨千里穆天子
傳天子北征趙行郭璞注趙猶趨騰也為義是又一
說其實二家三異不在本一篆趨字而在次篆趙下
大徐本趙一趨趙也與上篆趨趙相承小徐本乃云趙
趨也則與上為異斟詮又以古書趨趨通用遂主趨為
說因並易許氏久也舊義今按說文趨篆自在部首
與領部之走篆互訓則此趨篆理不通趨楚金本
誤奪趙字單存趨也再經傳寫遂竟改趨為趨耳

至鬱儀所據作趨者又是竝上篆趨下而譌之其
本雖不可見近時鮑惜分刻心字大徐本趨篆下正
作趨趙此書云依宋本則其誤相承蓋久大次古書
歧誤須為深思必知趨不得通趨者以聲斷之趨从走
多聲據襄公二十九年左傳祇見疏也疏云服虔本作祇
見疏晉宋杜本皆作多古人多祇同音又引張衡西
京賦災炮夥清酤多文選作鼓善引廣雅鼓多也皇恩溥
洪德施多與施為韻則宜讀支故侈移迤趨皆入支音

韻也。趨通作趨。見詩猗嗟巧趨踰兮。爾雅釋地注。趨則頓。兩釋文而陸於爾雅云作趨。非他若淮南則趨多作趨。今知趨不得與趨通者。以形知云。據一切經音義卷二云。莒古文莒字。趨从走。芻聲。芻即是莒。則趨之古文或宜作趨。趨之芻聲。必不容作多。廣韻以趨為趨之俗字。亦未知莒為莒之古字耳。芻之與多。兩形易誤。故艸下多作芻者。許書則作芻。以多讀音而為聲。艸下芻作莒者。元應則作莒。以

菊讀義愚為聲也。趨之與趨各不相伴。故許亦各篆殊義。此說許書則段為優矣。唯史記天官書久而至索隱久謂行遲也。似不破久字亦自得。趨趙義增訂一字。景福殿賦厥庸孔多善注云多當為趨。廣雅趨多也。紙移切。此亦甚誤。賦句與上奇離。螭崖為韻則趨亦趨字之謫。蓋趨以聲為義。又有多也。一訓趨固直。離紙移若趨乃七須口切也。今本廣雅釋詁多也條奪此趨字。

二之二十七存存萌萌在也爾雅釋訓存存萌萌在也注
萌萌未見所出正義萌萌當作繭繭說文云繭存也玉
篇引爾雅作繭繭義疏在者釋詁云存也存又爲在互相通也
易繫辭云成性存存按玉篇中艸部繭莫耕切引爾雅云存
存繭繭在也廣韻韻下平聲耕登二部引同耕部又云
本亦作萌是繭繭即萌萌矣

按此條陳氏左海經辨亦言之宛不如段氏之說爲授其根
也說文心部簡存也从心簡省聲讀若簡古限切段本

作簡簡在也云各本作簡存也三字今正釋訓曰存存
簡簡在也許本云今爾雅作存存萌萌在也郭云未見
所出音武庚反可謂疏於考覈矣釋文又曰施亡朋反字或
作簡廣韻引爾雅存存簡簡在也音武登切玉篇艸部
引爾雅存存簡簡在也音莫耕切又曰蔥同簡或作萌
玉裁按簡與簡相似而竹艸不同又後人音切與讀簡因
大異蓋簡者簡之譌竹誤而為艸也蔥者簡之譌門誤
而為明也又誤而去心作萌而郭反以武庚玉篇从艸又

誤而以萌為萌而陳博士施乾反以莫登廣韻本之此展
轉貤繆之故段令景純解讀許書何難正其形說
其音義也論語簡在帝心即簡字之段借段說如此可
謂披雲見月矣